



## XALQ DEPUTATLARI XAZORASP TUMANI KENGASHINING QARORI

2024-yil 27-dekabr

VII-5-033-12-174-K/24

Xazorasp tumani

### **Hazorasp tumanining 2025-yilgi mahalliy budjetini tasdiqlash to'g'risida**

O'zbekiston Respublikasi "Mahalliy davlat hokimiyati to'g'risida"gi Qonunining 6, 24-moddalari, Budjet kodeksining 99-moddasi, "2025-yil uchun O'zbekiston Respublikasining Davlat byudjeti to'g'risida"gi O'RQ-1011-sonli qonuniga muvofiq va xalq deputatlari Xorazm viloyati Kengashining 2024-yil 26-dekabrda "Xorazm viloyatining 2025-yilgi mahalliy budjetini tasdiqlash to'g'risida"gi VII-4-029-12-0-K/24-sonli qaroriga muvofiq hamda Xorazm viloyat Iqtisodiyot va moliya bosh boshqarmasining 2024-yil 26 dekabrda 02-7-09/12552-sonli xatini inobatga olib, xalq deputatlari Hazorasp tuman Kengashi

### **QAROR QILADI:**

1. Xalq deputatlari Xorazm viloyat Kengashining 2024-yil 26-dekabrda "Xorazm viloyatining 2025-yilgi mahalliy budjetini tasdiqlash to'g'risida"gi qarori ijro va rahbarlik uchun qabul qilinsin.

2. Xalq deputatlari Xorazm viloyat Kengashining 2024-yil 26-dekabrda "Xorazm viloyatining 2025-yilgi mahalliy budjetini tasdiqlash to'g'risida"gi qaroriga (keyingi o'rinlarda Qonun deb ataladi) shunga muvofiq, Hazorasp tuman mahalliy budjetining 2025-yil uchun daromadlari **113060,2** mln.so'm hamda xarajatlari **113060,2** mln.so'm prognoz qilinganligi ma'lumot uchun qabul qilinsin.

3. 2025-yil uchun tumanning tuman mahalliy budjeti daromadlari prognozi 1-ilovaga muvofiq ma'lumot uchun qabul qilinsin.

4. 2025-yil uchun tuman mahalliy budjetidan hududiy budjet mablag'larini taqsimlovchilarga ajratiladigan mablag'larning cheklangan miqdorlari 2-ilovaga muvofiq tasdiqlansin.

5. 2025-yil uchun tuman budjetiga umumdavlat soliqlaridan ajratmalar normativlari 3-ilovaga muvofiq tasdiqlansin.

6. 2025 yil uchun tuman mahalliy budjetining daromadlari va xarajatlarining prognozi 4-ilovaga muvofiq ma'lumot uchun qabul qilinsin.

7. 2025-yil uchun tumanning budjeti zahira jamg'armasi hajmlari **1697,1** mln.so'm miqdorida belgilansin.

8. 2025-yil uchun tuman mahalliy budjeti shaxsiy g'azna hisob varaqlarida turgan budjet mablag'larining yo'l qo'yiladigan eng kam miqdori **941,0** mln.so'mni hamda tumanlar va shaharlar budjetlari shaxsiy g'azna hisob varaqlarida turgan budjet mablag'larining yo'l qo'yiladigan eng kam miqdori 5-ilovaga muvofiq belgilansin.

9. O'zbekiston Respublikasining mazkur Qonuni bilan 2025-yilda xalq deputatlari Kengashlarini mahalliy budjetlarni boshqarishda, xususan mahalliy budjet xarajatlarini hududiy budjet mablag'lari taqsimlovchilar kesimida tasdiqlash va ularning Kengash oldidagi hisobdorligini belgilash bo'yicha vakolatlari kengaytirilganligi inobatga olinsin.

Shuningdek, xalq deputatlari Xorazm viloyat Kengashining 2024-yil 26-dekabrda "Xorazm viloyatining 2025-yilgi mahalliy budjetini tasdiqlash to'g'risida"gi VII-4-029-12-0-K/24-sonli qaroriga muvofiq 2025-yilda quyidagi soliq turlari:

a) Hazorasp tuman budjetiga to'liq hajmda o'tkaziladi:

jismoniy shaxslardan olinadigan mol-mulk solig'i;

jismoniy shaxslardan olinadigan yer solig'i;

mol-mulkni ijaraga berishdan oladigan yillik daromadi to'g'risidagi deklarasiyaga asosan to'laydigan, shuningdek yakka tartibdagi tadbirkorlar to'laydigan jismoniy shaxslardan olinadigan daromad solig'i;

suv resurslaridan foydalanganlik uchun soliq, bundan elektr stansiyalari tomonidan to'lanadigan soliq mustasno;

noruda qurilish materiallari bo'yicha yer qa'ridan foydalanganlik uchun soliq;

aylanmadan olinadigan soliq;

yuridik shaxslarning mol-mulkiga solinadigan soliq (yirik soliq to'lovchilar tomonidan to'lanadigan soliqlar bundan mustasno) ;

yuridik shaxslardan olinadigan yer solig'i (yirik soliq to'lovchilar tomonidan to'lanadigan soliqlar bundan mustasno) ;

benzinni, dizel yoqilg'isini va gazni yakuniy iste'molchilarga realizatsiya qilishdagi aksiz solig'i;

davlat aktivlarini ijaraga berishdan tushumlar.

b) 3-ilovaga muvofiq quyidagi soliq turlari viloyat va tuman budjeti o'rtasida taqsimlanadi:

jismoniy shaxslardan olinadigan daromad solig'i.

benzinni, dizel yoqilg'isini va gazni yakuniy iste'molchilarga realizatsiya qilishdagi aksiz solig'i.

10. Mahalliy davlat hokimiyati organlarining tashabbusiga ko'ra amalga oshiriladigan qo'shimcha tadbirlarni moliyalashtirish faqat tuman mahalliy budjetinining qo'shimcha manbalari hisobidan amalga oshiriladi.

11. Hazorasp tuman hokimining birinchi o'rinbosari (J.Ro'zimov), Iqtisodiyot va moliya bo'limi Sh.Xo'janioyov, soliq inspeksiyasi J.Allayorov mas'ul tashkilotlar bilan birgalikda:

Tegishli budjetlarni birinchi navbatda ish haqi va unga tenglashtirilgan to'lovlar, oziq-ovqat va dori-darmon va kommunal xizmatlar xarajatlarining rejalashtirilishini nazarda tutgan holda shakllantirish;

mahalliy budjeti prognoz ko'rsatkichlarni o'z vaqtida va samarali bajarish;

budjet mablag'laridan maqsadli va samarali foydalanish;

budjet intizomiga rioya etilishi ustidan nazorat va ma'suliyatni yanada kuchaytirish;

tegishli mahalliy budjetlarga soliqlar va boshqa majburiy to'lovlarning to'liq tushumini ta'minlash;

budjet daromadlar bazasini oshirish va qo'shimcha rezervlarni aniqlash zarurligiga alohida e'tibor qaratsin.

12. Soliq inspeksiyasi (J.Allayorov) O'zbekiston Respublikasi Soliq kodeksida belgilangan vakolatlaridan kelib chiqib:

soliqlarning to'liq va to'g'ri hisoblanishini hamda ushbu soliqlarni o'z vaqtida budjetga undirilishi ustidan soliq nazoratini kuchaytirishga;

yer solig'i, suv resurslaridan foydalanganlik uchun soliq va mol-mulk soliqlari bo'yicha doimiy tahlillar o'tkazgan holda, soliqlarni to'liq hisoblanishini ta'minlash hamda ushbu soliq to'lovlari bo'yicha soliq qarzdorligiga yo'l qo'ymaslik choralarini ko'rishga;

aylanmadan soliq turi bo'yicha soliq to'lovchilar tomonidan naqd pul aylanmalarining soliq hisobotlarida to'liq aks ettirilishi ustidan doimiy soliq nazoratini o'rnatish hamda zarur hollarda xronometraj va kameral soliq nazorati tadbirlarini o'tkazishga;

bunda, mazkur yo'nalishda jamoatchilik nazoratini kuchaytirish maqsadida fuqarolarga xarid chekini talab qilib olishni targ'ib etuvchi ijtimoiy roliklar hamda video materiallar tayyorlab, ijtimoiy tarmoqlar va ommaviy axborot vositalarida keng targ'ibot-tashviqot ishlarini olib borishga alohida e'tibor qaratsinlar.

xatlov ishlarini samarali tashkil etish orqali yer va mol-mulk solig'ining soliq bazasini oshirish vazifasi yuklatilsin.

13. Soliq inspeksiyasi (J.Allayorov), Kadastr palatasi Hazorasp tuman bo'limi boshlig'i (X.Sa'dullayev) yuridik shaxslar mol-mulk solig'ini hisoblashda ko'chmas mulklarga 1 kv.metr uchun minimal miqdorlar joriy etilganligidan kelib chiqib, tumanda mavjud soliq to'lovchilarning mol-mulklari maydonlarini chuqur tahlil etgan holda ushbu mol-mulklarga nisbatan soliqlarni to'liq hisoblanishini ta'minlasin.

14. Soliq inspeksiyasi (J.Allayorov), tegishli mutasaddi tashkilotlar bilan birgalikda:

noruda qurilish materiallarini qazib olish sohasida noqonuniy faoliyat olib borayotgan karerlarni aniqlash bo'yicha xatlovlar o'tkazish;

xatlov natijalari bo'yicha aniqlangan noqonuniy faoliyat olib borayotgan karerlar faoliyatini qonuniylashtirish hamda ularni soliq bazasiga qamrab olish;

noruda qurilish materiallarini qazib olish sohasida faoliyat olib borayotgan karerlar tomonidan qazib olinayotgan noruda qurilish materiallar hajmining soliq hisobotlarida to'liq aks ettirilishi ustidan doimiy nazorat o'rnatilsin.

Bunda, ushbu sohada faoliyat olib borayotgan karerlarning qazib olish hajmlarini doimiy tahlil qilib borish hamda zarur hollarda qazib olish hajmlarini aniqlashda mahalliy

budjetning qo‘shimcha manbalari hisobidan “marksheydrlik” xizmatlaridan foydalanish lozimligi alohida belgilab qo‘yilsin.

15. Majburiy ijro byurosi Hazorasp tuman bo‘limi (M.Atadjonov) soliq inspeksiyasi (J.Allayorov) bilan hamkorlikda soliqlar va boshqa majburiy to‘lovlar bo‘yicha mavjud soliq qarzdorliklarini budjetga undirish yuzasidan tegishli choralar ko‘rib borsin hamda choraklar yakuni bilan soliq qarzdorliklarining chorak boshiga nisbatan kamayib borishi bo‘yicha barcha kompleks chora-tadbirlar ko‘rish vazifasi yuklatilsin.

16. Kambag‘allikni qisqartirish va bandlikka ko‘maklashish bo‘limi T.Quryozov jismoniy shaxslarning yer va mol-mulk soliqlari bo‘yicha joriy hisoblangan soliqlarni hamda ushbu soliqlardan mavjud soliq qarzdorliklarini undirish yuzasidan soliq organlariga amaliy yordam ko‘rsatsin.

17. Tuman hokimining birinchi o‘rinbosari (J.Ro‘zimov) tegishli mutasaddi tashkilotlar bilan birgalikda:

bo‘sh turgan davlat mulki ob‘ektlarini aniqlash bo‘yicha xatlov ishlarini samarali tashkil etish;

xatlov natijalariga ko‘ra viloyatda mavjud bo‘sh turgan davlat mulki ob‘ektlari ro‘yxatini shakllantirish;

shakllantirilgan ro‘yxatga asosan bo‘sh turgan davlat mulki ob‘ektlarini ijaraga berish yoki sotish bo‘yicha tegishli takliflar tayyorlash;

bo‘sh turgan davlat mulki ob‘ektlarini ijaraga berish yoki sotish bo‘yicha ijtimoiy tarmoqlar va ommaviy axborot vositalarida roliklar va video-materiallar tayyorlash;

xususiylashtirilishi mo‘ljallangan bo‘sh turgan davlat mulki ob‘ektlarini “e-ijro auksion” mayonchasi orqali sotish ishlarini tashkillashtirish vazifasi yuklatilsin.

18. Tuman hokimining birinchi o‘rinbosari (J.Ro‘zimov) tegishli mutasaddi tashkilotlar bilan birgalikda tashqi reklama ob‘ektlarini to‘liq xatlovdan o‘tkazgan holda, ushbu tashqi reklama ob‘ektlari bo‘yicha shartnomalar tuzish choralari ko‘rsin hamda ushbu shartnomalar bo‘yicha yig‘imlarni budjetga to‘lanishi ustidan doimiy nazorat o‘rnatilsin.

19. Suv yetkazib berish DM (S.Matqurbonov) va tuman soliq inspeksiyasi (J.Allayorov) tuman hokimining qishloq va suv masalalari bo‘yicha o‘rinbosari bilan birgalikda tumanda sug‘orishga sarflanayotgan suv hajmlari bo‘yicha aniq hisob-kitoblar yuritgan holda mazkur iste‘mol hajmlari bo‘yicha suv resurslaridan foydalanganlik uchun soliqlarni to‘liq hisoblanishini hamda moliya yili yakuniga qadar mahalliy budjetlarga to‘liq undirib olish vazifasi yuklatilsin.

Bunda, qishloq xo‘jaligi korxonalarini tomonidan iste‘mol qilinayotgan suv resurslari hajmlari va ushbu hajmlar bo‘yicha hisoblanayotgan suv soliqlari bo‘yicha doimiy tahlillar o‘tkazishga alohida e‘tibor qaratilsin.

20. Tuman Iqtisodiyot va moliya bo‘limi (Sh.Xo‘janoyozov):

budjet intizomiga qat‘iy rioya etilishi ustidan doimiy monitoring ishlari kuchaytirilsin;

budjet intizomini buzish holatlari bo‘yicha har oy yakuni bilan Kengashga axborot kiritib borsin;

o‘tkazilgan nazorat tadbirlari yakuni bo‘yicha kamomad va noqonuniy o‘zlashtirishga yo‘l qo‘ygan soha rahbarlarining hisoboti xar chorakda eshitib borilsin.

21. Kengashning mahalliy budjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo‘yicha doimiy komissiyasi:

mahalliy budjetning qo‘shimcha manbalaridan foydalanish to‘g‘risidagi hokimlik tomonidan taqdim etilgan takliflari asosida budjet qonunchiligiga to‘liq rioya etilgan holda Kengash qaror loyihasini ishlab chiqilishiga;

Kengash qarori asosida mahalliy budjetning qo‘shimcha manbalari hisobidan ajratilgan mablag‘larni samarali va maqsadli foydalanishi ustidan nazorat o‘rnatishga va natijalari bo‘yicha tavsiyalar berishga monitoring qilishga;

Mahalliy budjet xarajatlarining qonunchilikda belgilangan qismining jamoatchilik fikri asosida shakllantirilgan tadbirlarni moliyalashtirishga yo‘naltirilishida ishtirok etadi va ushbu mablag‘larning maqsadli sarflanishi ustidan nazoratni amalga oshirishga mas‘ul etib belgilansin.

#### 22. Hazorasp tuman hokimligi:

Tuman mahalliy budjeti qo‘shimcha mablag‘larining kamida 30 foizini jamoatchilik fikri asosida shakllantiriladigan tadbirlarni moliyalashtirish uchun “Fuqarolar tashabbusi jamg‘armasi”ga yo‘naltirsin.

Bunda, Hazorasp tuman Kengashi deputatlari, tuman hokimligining yoshlar siyosati, ijtimoiy rivojlantirish va ma‘naviy-ma‘rifiy ishlar bo‘yicha o‘rinbosari, tuman hokimligi huzuridagi Jamoatchilik kengashlari hamda yangi joriy etilgan hokim yordamchilari budjet jarayonida fuqarolarning faol ishtirokini ta‘minlash maqsadida aholiga keng targ‘ibot-tashviqot ishlarini olib borishga mas‘ul etib belgilansin;

mahalliy budjetlarning qo‘shimcha manbalari hisobidan xarid qilingan tovarlar va xizmatlar, qurilish, rekonstruksiya qilish va ta‘mirlash ishlari olib borilayotgan ob‘ektlar ro‘yxati, shuningdek qurilish-ta‘mirlash ishlarining moliyalashtirilishi to‘g‘risidagi ma‘lumotlar har chorak yakunlariga ko‘ra, keyingi chorak birinchi oyining 10 sanasiga qadar majburiy tartibda tegishli hokimlik rasmiy veb-saytlariga joylashtirib borilsin.

23. Tuman hokimining birinchi o‘rinbosari (J.Ro‘zimov), tegishli muassasa va tashkilotlar bilan birgalikda:

mahalliy budjet daromad va xarajatlarining prognoz ko‘rsatkichlari bajarilishi hamda soliq bazasini kengaytirish yuzasidan ko‘rilgan chora-tadbirlar;

ajratilgan budjet mablag‘laridan maqsadli va samarali foydalanishi yuzasidan erishilgan natijalar bo‘yicha Kengashga har chorak yakunlari bo‘yicha hisobot kiritib borsin.

24. Tuman hokimligi Qonunda belgilangan ayrim soliqlar va to‘lov stavkalari, soliq solish tartiblari hamda boshqa ma‘lumotlarni ommaviy axborot vositalarida yoritilishini ta‘minlasin.

25. Mazkur qaror “Hazoraspnoma” gazetasida rasman e‘lon qilinsin hamda tuman hokimligining rasmiy veb-saytiga joylashtirilsin.

26. Ushbu qaror rasmiy e‘lon qilingan kundan boshlab kuchga kiradi.

27. Mazkur qaror bajarilishini nazorat qilish tuman hokimining birinchi o‘rinbosari J.Ro‘zimov hamda xalq deputatlari Hazorasp tuman Kengashining Mahalliy budjet, tadbirkorlikni rivojlantirish va iqtisodiy islohotlar masalalari bo‘yicha doimiy komissiya Q.Nazarovlar zimmasiga yuklatilsin.

Kengash raisi



ABDIRIMOV ZAFAR  
ATANAZAROVICH

Xalq deputatlari Xazorasp tumani  
Kengashining  
2024-yil 27-dekabrda  
VII-5-033-12-174-K/24 -son qaroriga  
1-ilova

**Hazorasp tumani mahalliy budjeti daromadlarining 2025-yildagi asosiy prognoz  
ko'rsatkichlari**

ming so'mda

<b>№</b>	<b>Daromad turlari</b>	<b>Jami</b>
	<b>Mahalliy budjet daromadlari jami</b>	<b>113 060 250</b>
1	Aylanmadan olinadigan soliq	15 542 000
2	Jismoniy shaxslardan olinadigan daromad solig'i	42 167 970
3	Yakka tartibdagi tadbirkorlar uchun jismoniy shaxslardan olinadigan daromad solig'i	4 628 000
4	Yakuniy iste'molchilarga benzin, dizel yoqilg'isi va gaz realizatsiya qilishdagi aksiz solig'i	8 645 000
5	Yuridik shaxslarning mol-mulkiga solinadigan soliq	4 275 000
6	Jismoniy shaxslardan olinadigan mol-mulk solig'i	12 265 680
7	Yuridik shaxslardan olinadigan yer solig'i	7 000 000
8	Jismoniy shaxslardan olinadigan yer solig'i	14 405 000
9	Qurilish materiallari bo'yicha yer qa'ridan foydalanganlik uchun soliq	19 000
10	Suv resurslaridan foydalanganlik uchun soliq	1 253 000
	Qishloq xo'jaligi korxonalarining suv solig'i	4 276 000
	Qishloq xo'jaligi korxonalarining suv solig'ining 40 foizini qaytarish (PQ-5) (VMQ-79)	<b>-1 710 400</b>
11	Davlat mulki bo'yicha ijara to'lovlari	294 000

Xalq deputatlari Xazorasp tumani  
Kengashining  
2024-yil 27-dekabrda  
VII-5-033-12-174-K/24 -son qaroriga  
2-ilova

**2025-yil uchun Hazorasp tumanining mahalliy budjetidan mablag' oluvchilariga  
ajratiladigan mablag'larning cheklangan miqdori**

ming so'mda

<b>Ko'rsatkichlar</b>		<b>Miqdori</b>
	<b>Mahalliy budjetidan ajratiladigan mablag'lar jami</b>	<b>113 060 250</b>
	<i>shu jumladan:</i>	
<b>1</b>	<b>Hokimlik</b>	<b>10 439 085</b>
	joriy harajatlar	10 439 085
<b>2</b>	<b>Xalq deputatlari tuman bo'limi</b>	<b>256 275</b>
	joriy harajatlar	256 275
<b>3</b>	<b>Iqtisodiyot va moliya bo'limi</b>	<b>2 149 184</b>
	joriy harajatlar	2 149 184
<b>4</b>	<b>Madaniyat bo'limi</b>	<b>1 537 234</b>
	joriy harajatlar	1 537 234
<b>5</b>	<b>Kambag'allikni qisqartirish va bandlikka ko'maklashish bo'limi</b>	<b>1 862 681</b>
	joriy harajatlar	1 862 681
<b>6</b>	<b>Obodonlashtirish boshqarmasi</b>	<b>16 477 934</b>
	joriy harajatlar	16 477 934
<b>7</b>	<b>Veterinariya bo'limi</b>	<b>1 435 155</b>
	joriy harajatlar	1 435 155
<b>8</b>	<b>Hayvonlar kasalliklari tashxisi va oziq-ovqat havfsizligi markazi</b>	<b>676 397</b>
	joriy harajatlar	676 397
<b>9</b>	<b>Axborot-kutubxona markazi</b>	<b>609 441</b>
	joriy harajatlar	609 441
<b>10</b>	<b>Fermer xo'jaliklarida buxgalteriyasi hisobi va hisobitini yuritish markazi</b>	<b>281 859</b>
	joriy harajatlar	281 859
<b>11</b>	<b>Bolalar musiqa va sa'nat maktabi</b>	<b>2 745 372</b>



	joriy harajatlar	2 745 372
<b>12</b>	<b>Maktabgacha va maktab ta'limi bo'limi</b>	<b>26 499 584</b>
	joriy harajatlar	26 499 584
	<i>maktabgacha ta'lim</i>	<i>14 124 386</i>
	<i>umumiy ta'lim</i>	<i>12 375 198</i>
<b>13</b>	<b>Sport maktabi</b>	<b>5 380 190</b>
	joriy harajatlar	5 380 190
<b>14</b>	<b>O'zbekiston Respublikasi yoshlar ishlari agentligi tuman filiali</b>	<b>5 789 852</b>
	joriy harajatlar	5 789 852
<b>15</b>	<b>Suv yetkazib berish xizmati DM</b>	<b>1 366 956</b>
	joriy harajatlar	1 366 956
<b>16</b>	<b>Mahalla uyushmasi</b>	<b>1 852 000</b>
	joriy harajatlar	1 852 000
<b>17</b>	<b>Fuqarolar tashabbusi jamg'armasi</b>	<b>31 828 535</b>
	joriy harajatlar	31 828 535
	<i>fuqarolar tashabbusi jamg'armasi</i>	<i>28 638 047</i>
	<i>mening maktabim</i>	<i>3 190 488</i>
<b>18</b>	<b>Zahira jamg'armasi</b>	<b>1 697 136</b>
	joriy harajatlar	1 697 136
<b>19</b>	<b>Ijtimoiy ko'nikma markazlari</b>	<b>152 280</b>
	joriy harajatlar	152 280
<b>20</b>	<b>Ozodlikdan mahrum etish jazosini o'tab bo'lgan fuqarolarga «dastlabki ijtimoiy-moddiy yordam paketi»</b>	<b>23 100</b>
	joriy harajatlar	23 100





Xalq deputatlari Xazorasp tumani  
Kengashining  
2024-yil 27-dekabrda  
VII-5-033-12-174-K/24 -son qaroriga  
4-ilova

**Mahalliy budjetning 2025-yil daromadlari va xarajatlariing chegaraviy  
hajmi**

*ming soʻmda*

<b>Hudud nomi</b>	<b>Daromad</b>	<b>Xarajat</b>
Hazorasp tumani	113 060 250	113 060 250

Xalq deputatlari Xazorasp tumani  
Kengashining  
2024-yil 27-dekabrda  
VII-5-033-12-174-K/24 -son qaroriga  
5-ilova

**Tuman mahalliy budjetida yo‘l qo‘yiladigan eng kam mablag‘lar miqdori**

*ming so‘mda*

<b>T/r</b>	<b>Shahar va tumanlar</b>	<b>Miqdor</b>
1	Hazorasp tumani	941 000